

॥ अथ प्रथमं मण्डलम् ॥

॥ अथ प्रथमोऽष्टकः ॥

(प्रथमोऽध्यायः वर्गाः 1-37)

(9)

1

ऋषिः मधुच्छन्दाः वैश्वामित्रः	छन्दः गायत्री	देवता अग्निः
ॐ अग्निमीळे पुरोहितं यज्ञस्य देवमृत्विजम् ।	होतारं रत्नधातमम्	॥ 1
अग्निः पूर्वोभिर्ऋषिभिरीड्यो नूतनैरुत ।	स देवाँ एह वक्षति	॥ 2
अग्निना रयिमश्रवत् पोषमेव दिवेदिवे ।	यशसं वीरवत्तमम्	॥ 3
अग्ने यं यज्ञमध्वरं विश्वतः परिभूरसि ।	स इद् देवेषु गच्छति	॥ 4
अग्निर्होता कविक्रतुः सत्यश्चित्रश्रवस्तमः ।	देवो देवेभिरा गमत्	॥ 5
यद्भ्र दाशुषे त्वमग्ने भद्रं करिष्यसि ।	तवेत् तत् सत्यमङ्गिरः	॥ 6
उप त्वाग्ने दिवेदिवे दोषावस्तर्धिया वयम् ।	नमो भरन्त एमसि	॥ 7
राजन्तमध्वराणां गोपामृतस्य दीदिविम् ।	वर्धमानं स्वे दमै	॥ 8
स नः पितेव सूनवे ऽग्ने सूपायनो भव ।	सचस्वा नः स्वस्तये	॥ 9

(9)

2

ऋषिः मधुच्छन्दाः वैश्वामित्रः	छन्दः गायत्री	देवता वायुः 1-3, इन्द्रवायू 4-6, मित्रावरुणौ 7-9
वायवा याहि दर्शतेमे सोमा अरंकृताः ।	तेषां पाहि श्रुधी हवम्	॥ 1
वायं उक्थेभिर्जरन्ते त्वामच्छां जरितारः ।	सुतसोमा अहर्विदः	॥ 2
वायो तवं प्रपृञ्चती धेनां जिगाति दाशुषे ।	उरूची सोमपीतये	॥ 3
इन्द्रवायू इमे सुता उप प्रयोभिरा गतम् ।	इन्द्रवो वामुशन्ति हि	॥ 4
वायविन्द्रश्च चेतथः सुतानां वाजिनीवसू ।	तावा यातमुपं द्रवत्	॥ 5

वायुविन्द्रश्च सुन्वत आ यातमुप निष्कृतम्	म॒ख्वि॑श्त्था धिया नरा	॥ 6
मित्रं हुवे पूतदक्षं वरुणं च रिशादसम्	धियं॑ घृताचीं साधन्ता	॥ 7
ऋतेन मित्रावरुणावृतावृधावृतस्पृशा	क्रतुं॑ बृहन्तमाशाथे	॥ 8
कवी नो मित्रावरुणा तुविजाता उरुक्षयां	दक्षं॑ दधाते अपसम्	॥ 9

(12)

3

ऋषिः मधुच्छन्दाः वैश्वामित्रः छन्दः गायत्री देवता अश्विनौ 1-3, इन्द्रः 4-6, विश्वे देवाः 7-9, सरस्वती 10-12

अश्विना यज्वरीरिषो द्रवत्पाणी शुभस्पती	पुरु॑भुजा चनस्यतम्	॥ 1
अश्विना पुरुदससा नरा शवीरया धिया	धिष्ण्या॑ वनतं गिरंः	॥ 2
दस्रा युवाकवः सुता नासत्या वृक्तबर्हिषः	आ यातं॑ रुद्रवर्तनी	॥ 3
इन्द्रा याहि चित्रभानो सुता इमे त्वायवः	अण्वी॑भिस्तना पूतासः	॥ 4
इन्द्रा याहि धियेषितो विप्रजूतः सुतावतः	उप॑ ब्रह्माणि वाघतः	॥ 5
इन्द्रा याहि तूतुजान उप ब्रह्माणि हरिवः	सुते॑ दधिष्व नश्चनः	॥ 6
ओमांसश्चर्षणीधृतो विश्वे देवास आ गत	दा॒श्वांसो॑ दा॒शुषः॑ सुतम्	॥ 7
विश्वे देवासो अमुरः सुतमा गन्त तूर्णयः	उ॒स्रा इ॒व स्व॑सराणि	॥ 8
विश्वे देवासो अस्मिध एहिमायासो अद्रुहः	मेधं॑ जुषन्त बह्वयः	॥ 9
पावका नः सरस्वती वाजेभिर्वाजिनीवती	य॒ज्ञं व॑ष्टु धियावसुः	॥ 10
चोदयित्री सूनृतानां चेतन्ती सुमतीनाम्	य॒ज्ञं द॑धे सरस्वती	॥ 11
महो अर्णः सरस्वती प्र चैतयति केतुनां	धियो॑ विश्वा वि रांजति	॥ 12

(10)

4

ऋषिः मधुच्छन्दाः वैश्वामित्रः छन्दः गायत्री देवता इन्द्रः

सुरूपकृत्वमूतये सुदुघामिव गोदुहे	जु॒हूम॑सि द्यविद्यवि	॥ 1
उप नः सबना गंहि सोमस्य सोमपाः पिब	गो॒दा इ॒द् रे॒वतो॑ मदः	॥ 2
अथां ते अन्तमानां विद्याम सुमतीनाम्	मा नो॑ अति ख्य आ गंहि	॥ 3
परैहि विग्रमस्तृतमिन्द्रं पृच्छा विपश्चितम्	यस्ते॑ सखिभ्य आ वरम्	॥ 4

उत ब्रुवन्तु नो निदो निरन्यतश्चिदारत	। दधाना इन्द्र इद् दुवः	॥ 5
उत नः सुभगाँ अरिवोचेयुर्दस्म कृष्टयः	। स्यामेदिन्द्रस्य शर्माणि	॥ 6
एमाशुमाशवे भर यज्ञश्रियं नृमार्दनम्	। पतयन् मन्दयत्सखम्	॥ 7
अस्य पीत्वा शतक्रतो घनो वृत्राणामभवः	। प्रावो वाजेषु वाजिनम्	॥ 8
तं त्वा वाजेषु वाजिनं वाजयामः शतक्रतो	। धनानामिन्द्र सातये	॥ 9
यो रायोऽवनिर्महान् सुपारः सुन्वतः सखा	। तस्मा इन्द्राय गायत	॥ 10

(10)

5

ऋषिः मधुच्छन्दाः वैश्वामित्रः छन्दः गायत्री देवता इन्द्रः

आ त्वेता नि षीदतेन्द्रमभि प्र गायत	। सखायः स्तोमवाहसः	॥ 1
पुरूतमं पुरूणामीशानं वार्याणाम्	। इन्द्रं सोमे सचां सुते	॥ 2
स घां नो योग आ भुवत् स राये स पुरंध्याम्	। गमद्वाजेभिरा स नः	॥ 3
यस्य संस्थे न वृण्वते हरीं समत्सु शत्रवः	। तस्मा इन्द्राय गायत	॥ 4
सुतपात्रं सुता इमे शुचयो यन्ति वीतये	। सोमांसो दध्याशिरः	॥ 5
त्वं सुतस्य पीतये सद्यो वृद्धो अजायथाः	। इन्द्र ज्यैष्ठ्याय सुक्रतो	॥ 6
आ त्वां विशन्त्वाशवः सोमांस इन्द्र गिर्वणः	। शं तै सन्तु प्रचेतसे	॥ 7
त्वां स्तोमां अवीवृधन् त्वामुक्त्वा शतक्रतो	। त्वां वर्धन्तु नो गिरः	॥ 8
अक्षितोतिः सनेदिमं वाजमिन्द्रः सहस्रिणाम्	। यस्मिन् विश्वानि पौस्या	॥ 9
मा नो मर्ता अभि द्रुहन् तनूनामिन्द्र गिर्वणः	। ईशानो यवया वधम्	॥ 10

(10)

6

ऋषिः मधुच्छन्दाः वैश्वामित्रः छन्दः गायत्री देवता इन्द्रः 1-3,10, मरुतः 4,6,8-9, मरुतः इन्द्रः च 5,7

युञ्जन्ति ब्रध्नमरुषं चरन्तं परिं तस्थुषः	। रोचन्ते रोचना दिवि	॥ 1
युञ्जन्त्यस्य काम्या हरी विपक्षसा रथे	। शोणा धृष्णू नृवाहंसा	॥ 2
केतुं कृण्वन्नकेतवे पेशो मर्या अपेशसै	। समुषद्भिरजायथाः	॥ 3
आदहं स्वधामनु पुनर्गर्भत्वमैरिरे	। दधाना नाम यज्ञियम्	॥ 4

वी॒ळु चि॑दारुज॒त्तुभिर्गु॑हां चिदिन्द्र॒ वह्नि॑भिः	अ॒वि॒न्द्र उ॒स्रिया॒ अनु॑	॥ 5
दे॒व॒य॒न्तो॒ यथा॑ म॒तिम॑च्छा वि॒द॒द्रसुं॑ गिरः	म॒हाम॑नूषत श्रुतम्	॥ 6
इन्द्रे॑ण सं हि दृक्ष॑से संजग्मानो अ॒विभ्यु॑षा	म॒न्दू सं॒मान॑वर्चसा	॥ 7
अ॒न॒व॒चैर॒भिद्यु॑भिर्म॒खः स॒ह॒स्वद॑र्चति	ग॒णैरि॑न्द्रस्य॒ काम्यैः॑	॥ 8
अतः॑ परिज्म॒न्ना ग॑हि दि॒वो वा॑ रोच॒नादधि॑	स॒म॒स्मि॒न्नु॒ञ्जते॑ गिरः	॥ 9
इतो॑ वा॒ सा॒तिमी॑महे दि॒वो वा॒ पार्थि॑वा॒दधि॑	इन्द्रं॑ म॒हो वा॒ रज॑सः	॥ 10

(10)

7

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
इन्द्र॑मि॒द्राथि॑नो बृहदिन्द्र॑म॒र्केभि॑र॒किणः॑	इन्द्रं॑ वाणीरनूषत	॥ 1
इन्द्र॑ इ॒द्धयोः॑ स॒चा संमि॑श्र आ व॒चो॒युजा॑	इन्द्रो॑ व॒ज्री हि॑रण्ययः	॥ 2
इन्द्रो॑ दी॒र्घाय॑ चक्ष॑स आ सूर्यं॑ रोहयद्वि	वि गो॑भिर॒द्रिमै॑रयत्	॥ 3
इन्द्र॑ वाजेषु नोऽव स॒हस्र॑प्रधनेषु च	उ॒ग्र उ॒ग्राभि॑रू॒तिभिः॑	॥ 4
इन्द्रं॑ व॒यं म॑हा॒धन॑ इन्द्र॑म॒र्भे ह॑वामहे	युजं॑ वृ॒त्रेषु॑ व॒ज्रिणा॑म्	॥ 5
स नो॑ वृष॒न्नमुं॑ चरुं स॒त्रादा॑व॒न्नपा॑ वृधि	अ॒स्मभ्य॑मप्रतिष्कुतः	॥ 6
तु॒ञ्जेतु॑ञ्जे य उत्तरे॑ स्तोमा॒ इन्द्र॑स्य व॒ज्रिणः॑	न वि॒न्धे अ॒स्य सु॑ष्टुतिम्	॥ 7
वृषा॑ यू॒थेव॑ वंस॒गः कृ॑ष्टीरि॒यत्यो॑जसा	ई॒शानो॑ अप्रतिष्कुतः	॥ 8
य एक॑श्चर्षणी॒नां व॑सू॒नामि॑र॒ज्यति॑	इन्द्रः॑ पञ्च॒क्षिती॑नाम्	॥ 9
इन्द्रं॑ वो वि॒श्वत॑स्प॒रि ह॑वामहे जनेभ्यः	अ॒स्माक॑मस्तु के॒वलः॑	॥ 10

(10)

8

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
एन्द्रं॑ सान॒सिं र॒यिं स॒जित्वा॑नं सदा॒सह॑म्	वर्षि॑ष्ठमू॒तये॑ भर	॥ 1
नि येन॑ मुष्टि॒हृत्य॑या नि वृ॒त्रा रु॒णधा॑महै	त्वो॒तासो॑ न्यर्वता	॥ 2
इन्द्र॑ त्वो॒तास॑ आ व॒यं व॒ज्रं घ॒ना द॑दीमहि	ज॒यैम॑ सं यु॒धि स्पृ॑धः	॥ 3
व॒यं शू॑रै॒भिर॑स्तृ॒भिरि॑न्द्र॒ त्वया॑ यु॒जा व॒यम्	सा॒स॒ह्याम॑ पृतन्यतः	॥ 4

म॒हाँ इन्द्रः॑ प॒रश्च॑ नु म॒हित्वम॑स्तु व॒ज्रिणे॑	। द्यौ॑र्न प्र॒थि॒ना श॑वः	॥ 5
स॒मो॒हे वा॒ य आ॑श॒त न॑र॒स्तो॒कस्य॑ स॒नितौ॑	। वि॒प्रा॑सो वा धि॒या॒यवः॑	॥ 6
यः कु॒क्षिः सौ॑म॒पात॑मः स॒मुद्र॑ इ॒व पि॑न्व॒न्ते	। उ॒र्वी॒रापो॑ न का॒कुदः॑	॥ 7
ए॒वा ह्य॑स्य॒ सूनृ॑ता॒ विर॒प्शी गो॑म॒ती म॒ही	। प॒क्वा शा॑खा॒ न दा॑शुषे	॥ 8
ए॒वा हि ते॒ विभू॑तय॒ ऊ॒तय॑ इन्द्र॒ माव॑न्ते	। स॒द्यश्चि॑त् स॒न्ति दा॑शुषे	॥ 9
ए॒वा ह्य॑स्य॒ काम्या॑ स्तोम॒ उ॒क्थं च॒ शंस्या॑	। इन्द्रा॑य॒ सोम॑पीतये ॥ 10	

(10)

9

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
इन्द्रे॒हि म॑त्स्यन्ध॒सो वि॒श्वेभिः॑ सोम॒पर्व॑भिः	। म॒हाँ अ॑भि॒ष्टिरो॑जसा	॥ 1
ए॒मै॒नं सृ॑जता सु॒ते म॒न्दिमि॑न्द्राय॒ म॒न्दि॒ने	। च॒क्रि॑ वि॒श्वानि॑ च॒क्रये॑	॥ 2
म॒त्स्वा॑ सु॒शिप्र॑ म॒न्दिभिः॑ स्तो॒मै॒भिर्वि॑श्वच॒र्षणे॑	। स॒चै॒षु स॑र्व॒नेष्वा॑	॥ 3
अ॒सृ॒गमि॑न्द्र॒ ते गि॑रः॒ प्रति॑ त्वा॒मुद॑हासत	। अ॒जो॑षा वृ॒षभं॑ प॒तिम्	॥ 4
सं चो॑दय॒ चि॒त्रम॒र्वाग् रा॑धं इन्द्र॒ वरे॑ण्यम्	। अ॒स॒दि॒त् तै वि॒भु प्र॒भु	॥ 5
अ॒स्मान्त्सु॑ तत्र॒ चोद॑येन्द्र॒ रा॒ये रभ॑स्वतः	। तु॒र्विद्यु॑म्न॒ यश॑स्वतः	॥ 6
सं गो॑म॒दिन्द्र॒ वाज॑व॒दस्मे॑ पृथु॒ श्रवो॑ बृहत्	। वि॒श्वायु॑र्धे॒ह्यक्षि॑तम्	॥ 7
अ॒स्मे धे॑हि॒ श्रवो॑ बृहद् द्यु॒म्नं स॑हस्र॒सात॑मम्	। इन्द्र॒ ता र॑थि॒नीरि॑षः	॥ 8
व॒सो॒रिन्द्रं॑ व॒सु॒पतिं॑ गी॒र्भिर्गृ॑णन्तं॒ ऋग्मि॑यम्	। हो॒म॒ गन्ता॑र॒मूत॑ये	॥ 9
सु॒तेसु॑ते॒ न्यौ॒कसे॑ बृहद् बृ॒हत ए॑दरिः	। इन्द्रा॑य॒ शूष॑म॒र्चति॑	॥ 10

(12)

10

ऋषिः मधुच्छन्दाः वैश्वामित्रः	छन्दः अनुष्टुप्	देवता इन्द्रः
गा॒यन्ति॑ त्वा गा॒य॒त्रिणो॑ऽर्च॒न्त्य॒र्कम॑र्कि॒णः	। ब्र॒ह्माण॑स्त्वा श॒तक्र॑त॒ उ॒द्वंश॑मि॒व ये॑मिरे ॥ 1	
य॒त्सानोः॑ सा॒नुमा॑रु॒हद् भू॑र्य॒स्पष्ट॑ क॒र्त्वम्	। तदि॑न्द्रो॒ अर्थं॑ चे॒तति॑ यू॒थेन॑ वृ॒ष्णिरे॑जति ॥ 2	
यु॒क्ष्वा हि॑ के॒शिना॑ ह॒री वृ॑ष॒णा क॑क्ष्य॒प्रा	। अथा॑ न इन्द्र॒ सोम॑पा गि॒रामु॑प॒श्रुतिं॑ चर ॥ 3	
एहि॑ स्तो॒माँ अ॒भि स्व॑रा॒ऽभि गृ॑णी॒ह्या रु॑व	। ब्रह्मं॑ च नो व॒सो स॑चेन्द्र॒ यज्ञं॑ च॒ वर्ध॑य ॥ 4	

उक्थमिन्द्राय शंस्यं वर्धनं पुरुनिष्पिधे	। शक्रो यथा सुतेषु णो रारणत् सख्येषु च	॥ 5
तमित्संखित्व ईमहे तं राये तं सुवीर्ये	। स शक्र उत नः शक्रदिन्द्रो वसु दयमानः	॥ 6
सुविवृतं सुनिरजमिन्द्र त्वादातमिद्यशः	। गवामपं व्रजं वृधि कृणुष्व राधौ अद्रिवः	॥ 7
नहि त्वा रोदसी उभे ऋघायमाणमिन्वतः	। जेषः स्वर्वतीरपः सं गा अस्मभ्यं धूनुहि	॥ 8
आश्रुत्कर्ण श्रुधी हवं नूचिह्वधिष्व मे गिरः	। इन्द्र स्तोममिमं मम कृष्वा युजश्चिदन्तरम्	॥ 9
विद्वा हि त्वा वृषन्तमं वाजेषु हवनश्रुतम्	। वृषन्तमस्य हूमह ऊतिं संहस्रसातमाम्	॥ 10
आ तू न इन्द्र कौशिक मन्दसानः सुतं पिब	। नव्यमायुः प्र सू तिर कृधी संहस्रसामृषिम्	॥ 11
परिं त्वा गिर्वणो गिरं इमा भवन्तु विश्वतः	। वृद्धायुमनु वृद्धयो जुष्टा भवन्तु जुष्टयः	॥ 12

(8)

11

ऋषिः जेता माधुच्छन्दसः	छन्दः अनुष्टुप्	देवता इन्द्रः
इन्द्रं विश्वा अवीवृधन्त् समुद्रव्यचसं गिरः	। रथीतमं रथीनां वाजानां सत्पतिं पतिम्	॥ 1
सख्ये तं इन्द्र वाजिनो मा भैम शवसस्पते	। त्वामभि प्र णौनुमो जेतांरमपराजितम्	॥ 2
पूर्वीरिन्द्रस्य रातयो न वि दस्यन्त्यूतयः	। यदी वाजस्य गोमतः स्तोतृभ्यो मंहते मधम्	॥ 3
पुरां भिन्दुर्युवां कविरमितौजा अजायत	। इन्द्रो विश्वस्य कर्मणो धर्ता वज्री पुरुष्टुतः	॥ 4
त्वं वलस्य गोमतो ऽपावरद्विवो बिलम्	। त्वां देवा अबिभ्युपस्तुज्यमानास आविषुः	॥ 5
तवाहं शूर रातिभिः प्रत्यायं सिन्धुमावदन्	। उपातिष्ठन्त गिर्वणो विदुष्टे तस्य कारवः	॥ 6
मायाभिरिन्द्र मायिनं त्वं शुष्णमवातिरः	। विदुष्टे तस्य मेधिरास् तेषां श्रवांस्युत्तिर	॥ 7
इन्द्रमीशानमोजसाभि स्तोमां अनूषत	। सहस्रं यस्य रातय उत वा सन्ति भूयसीः	॥ 8

(12)

12

ऋषिः मेधातिथिः काण्वः	छन्दः गायत्री	देवता अग्निः
अग्निं दूतं वृणीमहे होतारं विश्ववैदसम्	। अस्य यज्ञस्य सुक्रतुम्	॥ 1
अग्निमग्निं हवीमभिः सदा हवन्त विशपतिम्	। हव्यवाहं पुरुप्रियम्	॥ 2
अग्ने देवाँ इहा वह जज्ञानो वृक्तबर्हिषे	। असि होता न ईड्यः	॥ 3
ताँ उशतो वि बोधय यदग्ने यासिं दूत्यम्	। देवैरासत्सि बर्हिषि	॥ 4

घृताहवन दीदिवः प्रति ष्म रिषतो दह	। अग्ने त्वं रक्षस्विनः	॥ 5
अग्निनाग्निः समिध्यते कविर्गृहपतिर्युवा	। हव्यवाड् जुह्वास्यः	॥ 6
कविमग्निमुपं स्तुहि सत्यधर्माणमध्वरे	। देवममीवचातनम्	॥ 7
यस्त्वामग्ने हविष्पतिर्दूतं देव सपर्यति	। तस्यं स्म प्राविता भव	॥ 8
यो अग्निं देववीतये हविष्माँ आविवांसति	। तस्मै पावक मृळय	॥ 9
स नः पावक दीदिवो ऽग्ने देवाँ इहा वंह	। उपं यज्ञं हविश्च नः	॥ 10
स नः स्तवान् आ भर गायत्रेण नवीयसा	। रयिं वीरवतीमिषम्	॥ 11
अग्ने शुक्रेण शोचिषा विश्वाभिर्देवहूतिभिः	। इमं स्तोमं जुषस्व नः	॥ 12

(12)

13

ऋषिः मेधातिथिः काण्वः छन्दः गायत्री देवता इध्मः समिद्धः वा अग्निः 1, तनूनपात् 2, नराशंसः 3, इळः 4, बर्हिः 5, देवीर्द्वारः 6, उषासानक्ता 7, दैव्यौ होतारौ प्रचेतसौ 8, तिस्रः देव्यः सरस्वतीळाभारत्यः 9, त्वष्टा 10, वनस्पतिः 11, स्वाहाकृतयः 12

सुसमिद्धो न आ वंह देवाँ अग्ने हविष्मते	। होतः पावक यक्षिं च	॥ 1
मधुमन्तं तनूनपाद् यज्ञं देवेषु नः कवे	। अद्या कृणुहि वीतये	॥ 2
नराशंसमिह प्रियमस्मिन् यज्ञं उपं ह्वये	। मधुजिह्वं हविष्कृतम्	॥ 3
अग्ने सुखतमे रथे देवाँ ईळित आ वंह	। असि होता मनुर्हितः	॥ 4
स्तृणीत बर्हिरानुषग् घृतपृष्ठं मनीषिणः	। यत्रामृतस्य चक्षणम्	॥ 5
वि श्रयन्तामृतावृधो द्वारो देवीरसश्चतः	। अद्या नूनं च यष्टवे	॥ 6
नक्तोषासां सुपेशसाऽस्मिन् यज्ञं उपं ह्वये	। इदं नो बर्हिरासदै	॥ 7
ता सुजिह्वा उपं ह्वये होतारा दैव्या कवी	। यज्ञं नो यक्षतामिमम्	॥ 8
इळा सरस्वती मही तिस्रो देवीर्मयोभुवः	। बर्हिः सीदन्त्वस्त्रिधः	॥ 9
इह त्वष्टारमग्रियं विश्वरूपमुपं ह्वये	। अस्माकमस्तु केवलः	॥ 10
अवं सृजा वनस्पते देवं देवेभ्यो हविः	। प्र दातुरस्तु चेतनम्	॥ 11
स्वाहा यज्ञं कृणोतनेन्द्राय यज्वनो गृहे	। तत्र देवाँ उपं ह्वये	॥ 12

(12)

14

ऋषिः मेधातिथिः काण्वः	छन्दः गायत्री	देवता विश्वे देवाः
ऐभिरग्रे दुवो गिरो विश्वेभिः सोमपीतये	। देवेभिर्याहि यक्षि च	॥ 1
आ त्वा कण्वा अहूषत गृणन्ति विप्र ते धियः	। देवेभिरग्र आ गहि	॥ 2
इन्द्रवायू बृहस्पतिं मित्राग्निं पूषणं भगम्	। आदित्यान् मारुतं गणम्	॥ 3
प्र वो भ्रियन्त इन्द्रवो मत्सरा मादयिष्णवः	। द्रप्सा मध्वश्चमूषदः	॥ 4
ईळते त्वामवस्यवः कण्वासो वृक्तबर्हिषः	। हविष्मन्तो अरंकृतः	॥ 5
घृतपृष्ठा मनोयुजो ये त्वा वहन्ति वह्नयः	। आ देवान्तसोमपीतये	॥ 6
तान् यजत्राँ ऋतावृधो ऽग्रे पत्नीवतस्कृधि	। मध्वः सुजिह्व पायय	॥ 7
ये यजत्रा य ईड्यास्ते ते पिबन्तु जिह्वया	। मधोरग्रे वषट्कृति	॥ 8
आर्कीं सूर्यस्य रोचनाद् विश्वान्देवाँ उषर्बुधः	। विप्रो होतेह वक्षति	॥ 9
विश्वेभिः सोम्यं मध्वऽग्र इन्द्रेण वायुना	। पिबा मित्रस्य धामभिः	॥ 10
त्वं होता मनुर्हितोऽग्रे यज्ञेषु सीदसि	। सेमं नो अध्वरं यज	॥ 11
युक्त्वा ह्यरुषी रथे हरितो देव रोहितः	। ताभिर्देवाँ इहा वह	॥ 12

(12)

15

ऋषिः मेधातिथिः काण्वः	छन्दः गायत्री
देवता ऋतवः ; इन्द्रः 1,5, मरुतः 2, त्वष्टा 3, अग्निः 4,12, मित्रावरुणौ 6, द्रविणोदाः 7-10, अश्विनौ 11	
इन्द्र सोमं पिबं ऋतुना ऽऽत्वां विशन्त्विन्द्रवः	। मत्सरासस्तदौकसः ॥ 1
मरुतः पिबंत ऋतुना पोत्राद् यज्ञं पुनीतन	। यूयं हि ष्टा सुदानवः ॥ 2
अभि यज्ञं गृणीहि नो ग्रावो नेष्टः पिबं ऋतुना	। त्वं हि रत्नधा असिं ॥ 3
अग्रे देवाँ इहा वह सादया योनिषु त्रिषु	। परिं भूष पिबं ऋतुना ॥ 4
ब्राह्मणादिन्द्र राधसः पिबा सोममृत्तूरनु	। तवेद्धि सख्यमस्तृतम् ॥ 5
युवं दक्षं धृतव्रत मित्रावरुण दूळभम्	। ऋतुना यज्ञमाशाथे ॥ 6
द्रविणोदा द्रविणसो ग्रावहस्तासो अध्वरे	। यज्ञेषु देवमीळते ॥ 7
द्रविणोदा ददातु नो वसूनि यानि शृण्विरे	। देवेषु ता वनामहे ॥ 8
द्रविणोदाः पिपीषति जुहोत प्र च तिष्ठत	। नेष्ट्राहतुभिरिष्यत ॥ 9

यत् त्वां तुरीयमृतुभिर्द्रविणोदो यजामहे	अधं स्मा नो ददिर्भव	॥ 10
अश्विना पिबंतं मधु दीद्यग्नी शुचिव्रता	ऋतुना यज्ञवाहसा	॥ 11
गार्हपत्येन सन्त्य ऋतुना यज्ञनीरंसि	देवान् देवयते यज	॥ 12

(9)

16

ऋषिः मेधातिथिः काण्वः	छन्दः गायत्री	देवता इन्द्रः
आ त्वां वहन्तु हरयो वृषणं सोमपीतये	इन्द्रं त्वा सूरचक्षसः	॥ 1
इमा धाना घृतस्रुवो हरी इहोषं वक्षतः	इन्द्रं सुखतमे रथे	॥ 2
इन्द्रं प्रातर्हवामह इन्द्रं प्रयत्यध्वरे	इन्द्रं सोमस्य पीतये	॥ 3
उपं नः सुतमा गंहि हरिभिरिन्द्र केशिभिः	सुते हि त्वा हवामहे	॥ 4
सेमं नः स्तोममा गह्युपेदं सर्वनं सुतम्	गौरो न तृषितः पिब	॥ 5
इमे सोमांस इन्द्रवः सुतासो अर्धि बर्हिषि	तां इन्द्र सहसे पिब	॥ 6
अयं ते स्तोमो अग्रियो हृदिस्पृगस्तु शंतमः	अथा सोमं सुतं पिब	॥ 7
विश्वमित्सर्वनं सुतमिन्द्रो मदाय गच्छति	वृत्रहा सोमपीतये	॥ 8
सेमं नः काममा पृण गोभिरश्वैः शतक्रतो	स्तवाम त्वा स्वाध्यः	॥ 9

(9)

17

ऋषिः मेधातिथिः काण्वः	छन्दः गायत्री 1-3,6-9, पादनिचृत् 4-5	देवता इन्द्रावरुणौ
इन्द्रावरुणयोरहं सम्राजोरव आ वृणे	ता नो मृळात ईदृशे	॥ 1
गन्तारा हि स्थोऽवसे हवं विप्रस्य मावतः	धर्तारा चर्षणीनाम्	॥ 2
अनुकामं तर्पयेथामिन्द्रावरुण राय आ	ता वां नेदिष्ठमीमहे	॥ 3
युवाकु हि शचीनां युवाकुं सुमतीनाम्	भूयाम वाजदाब्राम्	॥ 4
इन्द्रः सहस्रदाब्रां वरुणः शंस्यानाम्	क्रतुर्भवत्युक्थ्यः	॥ 5
तयोरिदवसा वयं सनेम नि च धीमहि	स्यादुत प्ररेचनम्	॥ 6
इन्द्रावरुण वामहं हुवे चित्राय राधसे	अस्मान्तसु जिग्युषस्कृतम्	॥ 7
इन्द्रावरुण नू नु वां सिषासन्तीषु धीष्वा	अस्मभ्यं शर्म यच्छतम्	॥ 8
प्र वामश्रोतु सुष्टुतिरिन्द्रावरुण यां हुवे	यामृधाथै सधस्तुतिम्	॥ 9

(9)

18

ऋषिः मेधातिथिः काण्वः छन्दः गायत्री देवता ब्रह्मणस्पतिः 1-3, ब्रह्मणस्पतिः
इन्द्रः सोमः च 4, ब्रह्मणस्पतिः दक्षिणा सोमः इन्द्रः च 5, सदसस्पतिः 6-8, सदसस्पतिः नराशंसः वा 9

सोमानं स्वरणं कृणुहि ब्रह्मणस्पते	। कक्षीवन्तं य औशिजः	॥ 1
यो रेवान् यो अमीवहा वंसुवित् पुष्टिवर्धनः	। स नः सिषक्तु यस्तुरः	॥ 2
मा नः शंसो अररुषो धूर्तिः प्रणङ् मर्त्यस्य	। रक्षा णो ब्रह्मणस्पते	॥ 3
स घा वीरो न रिष्यति यमिन्द्रो ब्रह्मणस्पतिः	। सोमो हिनोति मर्त्यम्	॥ 4
त्वं तं ब्रह्मणस्पते सोम इन्द्रश्च मर्त्यम्	। दक्षिणा पात्वंहसः	॥ 5
सदसस्पतिमद्भुतं प्रियमिन्द्रस्य काम्यम्	। सनिं मेधामयासिषम्	॥ 6
यस्मादृते न सिध्यति यज्ञो विपश्चितश्चन	। स धीनां योगमिन्वति	॥ 7
आदृधोति हविष्कृतिं प्राञ्चं कृणोत्यध्वरम्	। होत्रां देवेषु गच्छति	॥ 8
नराशंसं सुधृष्टमपश्यं सप्रथस्तमम्	। दिवो न सन्नमखसम्	॥ 9

(9)

19

ऋषिः मेधातिथिः काण्वः छन्दः गायत्री देवता अग्निः मरुतः च

प्रति त्यं चारुमध्वरं गोपीथाय प्र हूयसे	। मरुद्भिरग्र आ गंहि	॥ 1
नहि देवो न मर्त्यो महस्तव क्रतुं परः	। मरुद्भिरग्र आ गंहि	॥ 2
ये महो रजसो विदुर्विश्वे देवासो अद्रुहः	। मरुद्भिरग्र आ गंहि	॥ 3
य उग्रा अर्कमानचुरनाधृष्टास ओजसा	। मरुद्भिरग्र आ गंहि	॥ 4
ये शुभ्रा घोरवर्षसः सुक्षत्रासो रिशादसः	। मरुद्भिरग्र आ गंहि	॥ 5
ये नाकस्याधि रोचने दिवि देवास आसते	। मरुद्भिरग्र आ गंहि	॥ 6
य ईङ्घयन्ति पर्वतान् तिरः समुद्रमर्णवम्	। मरुद्भिरग्र आ गंहि	॥ 7
आ ये तन्वन्ति रश्मिभिस् तिरः समुद्रमोजसा	। मरुद्भिरग्र आ गंहि	॥ 8
अभि त्वां पूर्वपीतये सृजामि सोम्यं मधु	। मरुद्भिरग्र आ गंहि	॥ 9

॥ इति प्रथमाष्टके प्रथमोऽध्यायः समाप्तः ॥

(द्वितीयोऽध्यायः ॥ वर्गाः 1-38)

(8)

20

ऋषिः मेधातिथिः काण्वः	छन्दः गायत्री	देवता ऋभवः
अयं देवाय जन्मने स्तोमो विप्रैभिरासया	। अकारि रत्नधातमः	॥ 1
य इन्द्राय वचोयुजां तत्क्षुर्मनसा हरीं	। शमीभिर्यज्ञमाशत	॥ 2
तक्षन् नासत्याभ्यां परिज्मानं सुखं रथम्	। तक्षन् धेनुं संबुर्दुघाम्	॥ 3
युवाना पितरा पुनः सत्यमन्त्रा ऋजूयवः	। ऋभवो विष्टयक्रत	॥ 4
सं वो मदासो अगमतेन्द्रेण च मरुत्वता	। आदित्येभिश्च राजभिः	॥ 5
उत त्यं चमसं नवं त्वष्टुर्देवस्य निष्कृतम्	। अकर्त चतुरः पुनः	॥ 6
ते नो रत्नानि धत्तन् त्रिरा साप्तानि सुन्वते	। एकमेकं सुशस्तिभिः	॥ 7
अधारयन्त वह्यो ऽभजन्त सुकृत्या	। भागं देवेषु यज्ञियम्	॥ 8

(6)

21

ऋषिः मेधातिथिः काण्वः	छन्दः गायत्री	देवता इन्द्राग्नी
इहेन्द्राग्नी उप ह्वये तयोरित् स्तोममुश्मसि	। ता सोमं सोमपातमा	॥ 1
ता यज्ञेषु प्र शंसतेन्द्राग्नी शुम्भता नरः	। ता गायत्रेषु गायत	॥ 2
ता मित्रस्य प्रशस्तय इन्द्राग्नी ता ह्वामहे	। सोमपा सोमपीतये	॥ 3
उग्रा सन्ता ह्वामह उपेदं सर्वनं सुतम्	। इन्द्राग्नी एह गच्छताम्	॥ 4
ता महान्ता सदस्पती इन्द्राग्नी रक्ष उब्जतम्	। अप्रजाः सन्त्वत्रिणः	॥ 5
तेन सत्येन जागृतमधि प्रचेतुने पदे	। इन्द्राग्नी शर्म यच्छतम्	॥ 6

(21)

22

ऋषिः मेधातिथिः काण्वः	छन्दः गायत्री	देवता अश्विनौ 1-4, सविता 5-8, अग्निः 9-10, देवसबन्धिन्यः देव्यः 11, इन्द्राणी वरुणान्यग्राय्यः 12, चावापृथिव्यौ 13-14, पृथिवी 15, विष्णुः 16-21
-----------------------	---------------	--

प्रातर्युजा वि बौधयाश्विनावेह गच्छताम्	। अस्य सोमस्य पीतये	॥ 1
या सुरथा रथीतमोभा देवा दिविस्पृशा	। अश्विना ता ह्वामहे	॥ 2

या वां कशा मधुमत्यश्विना सूनृतावती	। तया यज्ञं मिमिक्षतम्	॥ 3
नहि वामस्ति दूरके यत्रा रथेन गच्छथः	। अश्विना सोमिनो गृहम्	॥ 4
हिरण्यपाणिमूतयै सवितारमुप ह्वये	। स चेत्ता देवता पदम्	॥ 5
अपां नपातमवसे सवितारमुप स्तुहि	। तस्य ब्रतान्युश्मसि	॥ 6
विभक्तारं हवामहे वसोश्चित्रस्य राधसः	। सवितारं नृचक्षसम्	॥ 7
सखाय आ नि षीदत सविता स्तोम्यो नु नः	। दाता राधांसि शुम्भति	॥ 8
अग्रे पत्नीरिहावह देवानामुशतीरुप	। त्वष्टारं सोमपीतये	॥ 9
आ ग्रा अग्र इहावसे होत्रां यविष्ठ भारतीम्	। वरूत्रीं धिषणां वह	॥ 10
अभि नो देवीरवसा महः शर्मणा नृपत्नीः	। अच्छिन्नपत्राः सचन्ताम्	॥ 11
इहेन्द्राणीमुप ह्वये वरुणानीं स्वस्तये	। अग्रार्यां सोमपीतये	॥ 12
मही द्यौः पृथिवी च न इमं यज्ञं मिमिक्षताम्	। पिपृतां नो भरीमभिः	॥ 13
तयोरिद् घृतवत् पयो विप्रां रिहन्ति धीतिभिः	। गन्धर्वस्य ध्रुवे पदे	॥ 14
स्योना पृथिवि भवानृक्षरा निवेशनी	। यच्छा नः शर्म सप्रथः	॥ 15
अतो देवा अवन्तु नो यतो विष्णुर्विचक्रमे	। पृथिव्याः सप्त धामभिः	॥ 16
इदं विष्णुर्वि चक्रमे त्रेधा नि दधे पदम्	। समूळहमस्य पांसुरे	॥ 17
त्रीणि पदा वि चक्रमे विष्णुर्गोपा अदाभ्यः	। अतो धर्माणि धारयन्	॥ 18
विष्णोः कर्माणि पश्यत यतो ब्रतानि पस्पशे	। इन्द्रस्य युज्यः सखा	॥ 19
तद् विष्णोः परमं पदं सदा पश्यन्ति सूर्यः	। दिवीव चक्षुराततम्	॥ 20
तद् विप्रांसो विपन्यवो जागृवांसः समिन्धते	। विष्णोर्यत्परमं पदम्	॥ 21

(24)

23

ऋषिः मेधातिथिः काण्वः छन्दः गायत्री 1-18, पुरउष्णिक् 19, अनुष्टप् 20,22-24, प्रतिष्ठा (गायत्री) 21
 देवता वायुः 1, इन्द्रवायू 2-3, मित्रावरुणौ 4-6, इन्द्रः मरुत्वान् 7-9, विश्वे देवाः 10-12,
 पूषा 13-15, आपः 16-23, अग्निः 24

तीव्राः सोमांस आ गह्याशीर्वन्तः सुता इमे	। वायो तान् प्रस्थितान् पिब	॥ 1
उभा देवा दिविस्पृशेन्द्रवायू हवामहे	। अस्य सोमस्य पीतये	॥ 2
इन्द्रवायू मनोजुवा विप्रां हवन्त ऊतये	। सहस्राक्षा धियस्पती	॥ 3

मित्रं वयं हवामहे वरुणं सोमपीतये	। जज्ञाना पूतदक्षसा	॥ 4
ऋतेन यावृतावृधावृतस्य ज्योतिषस्पती	। ता मित्रावरुणा हुवे	॥ 5
वरुणः प्राविता भुवन् मित्रो विश्वाभिरूतिभिः	। करतां नः सुरार्धसः	॥ 6
मरुत्वन्तं हवामहे इन्द्रमा सोमपीतये	। सजूर्गणेन तृम्पतु	॥ 7
इन्द्रज्येष्ठा मरुद्गणा देवासः पूषरातयः	। विश्वे मम श्रुता हवम्	॥ 8
हत वृत्रं सुदानव इन्द्रेण सहसा युजा	। मा नो दुःशंस ईशत	॥ 9
विश्वान् देवान् हवामहे मरुतः सोमपीतये	। उग्रा हि पृश्निमातरः	॥ 10
जयतामिव तन्यतुर्मरुतामेति धृष्णुया	। यच्छुभं याथना नरः	॥ 11
हस्काराद् विद्युत्स्पर्शतो जाता अवन्तु नः	। मरुतो मृलयन्तु नः	॥ 12
आ पूषश्चित्रबर्हिषमाघृणे धरुणं दिवः	। आजानष्टं यथा पशुम्	॥ 13
पूषा राजानमाघृणिरपगूळहं गुहां हितम्	। अविन्दश्चित्रबर्हिषम्	॥ 14
उतो स मह्यमिन्दुभिः षड् युक्तां अनुसेषिधत्	। गोभिर्यवं न चर्कृषत्	॥ 15
अम्बयो यन्त्यध्वभिर्जामयो अध्वरीयताम्	। पृश्नीर्मधुना पयः	॥ 16
अमूर्या उप सूर्ये याभिर्वा सूर्यः सह	। ता नो हिन्वन्त्वध्वरम्	॥ 17
अपो देवीरुप ह्वये यत्र गावः पिबन्ति नः	। सिन्धुभ्यः कर्त्वी हविः	॥ 18
अप्स्वश्न्तरमृतमप्सु भेषजमपामुत प्रशस्तये	। देवा भवत वाजिनः	॥ 19
अप्सु मे सोमो अब्रवीदन्तर्विश्वानि भेषजा	। अग्निं च विश्वशंभुवमापश्च विश्वभेषजीः	॥ 20
आपः पृणीत भेषजं वरूथं तन्वेद् मम । ज्योक् च सूर्यं दृशे		॥ 21
इदमापः प्र वंहत यत् किं च दुरितं मयि । यद्वाहमभिदुद्रोह यद्वा शेष उतानृतम्		॥ 22
आपो अद्यान्वचारिषं रसेन समगस्महि । पर्यस्वानग्र आ गंहि तं मा सं सृज वर्चसा		॥ 23
सं माग्ने वर्चसा सृज सं प्रजया समायुषा । विद्युर्मै अस्य देवा इन्द्रो विद्यात् सह ऋषिभिः		॥ 24

(15)

24

ऋषिः शुनःशेषः आजीगर्तिः

छन्दः त्रिष्टुप् 1-2,6-15, गायत्री 3-5

देवता प्रजापतिः 1, अग्निः 2, सविता 3-4, सविता भगः वा 5, वरुणः 6-15

कस्य नूनं कतमस्यामृतानां मनामहे चारुं देवस्य नामं	।
को नो मह्या अदितये पुनर्दात् पितरं च दृशेयं मातरं च	॥ 1

अग्नेर्वयं प्रथमस्यामृतांनां मनामहे चारु देवस्य नाम	
स नो मह्या अदितये पुनर्दात् पितरं च हृशेयं मातरं च	2
अभि त्वा देव सवितरीशानं वार्याणाम् । सदावन् भागमीमहे	3
यश्चिद्धि तं इत्था भगः शशमानः पुरा निदः । अद्वेषो हस्तयोर्दधे	4
भगभक्तस्य ते वयमुदशेम तवावसा । मूर्धानं राय आरभे	5
नहि ते क्षत्रं न सहो न मन्युं वयश्चनामी पतर्यन्त आपुः	
नेमा आपो अनिमिषं चरन्तीर्न ये वातस्य प्रमिनन्त्यभ्वम्	6
अबुध्रे राजा वरुणो वनस्योर्ध्वं स्तूपं ददते पूतदक्षः	
नीचीनाः स्थुरुपरि बुध्र एषामस्मे अन्तर्निहिताः केतवः स्युः	7
उरुं हि राजा वरुणश्चकार सूर्याय पन्थामन्वैतवा उ	
अपदे पादा प्रतिधातवेऽकरुतापवक्ता हृदयाविधश्चित्	8
शतं ते राजन् भिषजः सहस्रमुर्वी गभीरा सुमतिष्टे अस्तु	
बाधस्व दूरे निऋतिं पराचैः कृतं चिदेनः प्र मुमुग्ध्यस्मत्	9
अमी य ऋक्षा निहितास उच्चा नक्तं ददृश्रे कुहं चिद् दिवैयुः	
अदब्धानि वरुणस्य ब्रतानि विचारकशच्चन्द्रमा नक्तमेति	10
तत्त्वा यामि ब्रह्मणा वन्दमानस् तदा शास्ते यजमानो हविर्भिः	
अहैळमानो वरुणेह बोध्युरुशंस मा न आयुः प्र मौषीः	11
तदिन्नक्तं तद् दिवा मह्यमाहुस् तदयं केतो हृद आ वि चष्टे	
शुनःशेषो यमहृद्गृभीतः सो अस्मान् राजा वरुणो मुमोक्तु	12
शुनःशेषो ह्यहृद् गृभीतस् त्रिष्वादित्यं द्रुपदेषु बद्धः	
अवैनं राजा वरुणः ससृज्याद् विद्धौ अदब्धो वि मुमोक्तु पाशान्	13
अवं ते हेळौ वरुण नमोभिरवं यज्ञेभिरीमहे हविर्भिः	
क्षयन्नस्मभ्यमसुर प्रचेता राजन्नेनांसि शिश्रथः कृतानि	14
उदुत्तमं वरुण पाशमस्मदवाधमं वि मध्यमं श्रथाय	
अथा वयमादित्य ब्रते तवानांगसो अदितये स्याम	15